



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-086-4/22**
Datum: **25.04. 2022. godine**

"Agencija za vodno područje rijeke Save" Sarajevo rješavajući po zahtjevu JKP "VODOVOD I KANALIZACIJA" d.o.o. Velika Kladuša za izdavanje vodne dozvole za privremeno ispuštanje komunalnih otpadnih voda urbanog područja Velike Kladuše u korito rijeka Grabarska i Kladušnica, na osnovu člana 109. stav (1) tačka 2. i člana 139. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj dozvoli**

1. Daje se vodna dozvola JKP „VODOVOD I KANALIZACIJA” d.o.o. Velika Kladuša za privremeno ispuštanje komunalnih otpadnih voda urbanog područja Velike Kladuše u korito rijeka Grabarska i Kladušnica. Ova dozvola se odnosi na identificirane ispuste:
 1. Kolektor, ϕ 600 mm, sa mjestom ispusta u rijeku Grabarsku kod mosta na cesti Velika Kladuša-Šiljkovača, koordinate ispusta: 5563143.615; 5004662.964
 2. Kolektor, ϕ 700 mm, sa mjestom ispusta u rijeku Grabarsku kod raskrsnice ulica VII Korpusa i S. Husića, koordinate ispusta: 5563355.014; 5004650.191
 3. Kolektor, ϕ 600 mm, sa ispustom u rijeku Grabarsku kod objekta Komunalija, koordinate ispusta: 5563457.839; 5004528.524
 4. Kolektor, ϕ 600 mm, sa ispustom u rijeku Grabarsku kod objekta Vodovoda, koordinate ispusta: 5563721.450; 5004318.403
 5. Kolektor, ϕ 400 mm, s mjestom ispusta u rijeku Grabarsku kod restorana HAM, koordinate ispusta: 5563919.596; 5004229.787
 6. Kolektor, ϕ 400 mm, s mjestom ispusta u rijeku Grabarsku kod privrednog subjekta SANITEX, koordinate ispusta: 5564054.036; 5004225.317
 7. Kolektor, ϕ 300 mm, s mjestom ispusta u rijeku Grabarsku kod mosta u ulici Zuhdije Žalića, koordinate ispusta: 5564046.053; 5004204.879
 8. Kolektor, ϕ 500 mm, s mjestom ispusta u rijeku Grabarsku kod privrednog subjekta SANITEX, uz gradsku zaobilaznicu, koordinate ispusta: 5564199.652; 5004552.634
 9. Kolektor, ϕ 500 mm, s mjestom ispusta u rijeku Grabarsku na završetku ulice 506. Brigade, koordinate ispusta: 5564208.594; 5004564.769
 10. Kolektor, ϕ 800 mm, s mjestom ispusta u rijeku Grabarsku kod sportske dvorane, koordinate ispusta: 5564374.967; 5004860.751
 11. Kolektor, ϕ 800 mm, s mjestom ispusta u rijeku Kladušnicu ispod naselja Projsine, koordinate ispusta: 5564178.257; situacioni prikaz 5005296.363.
2. Ova vodna dozvola odnosi se isključivo na ispuste komunalnih otpadnih voda definisane u tački 1. ovog Rješenja.
3. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 3.1. Da objekti koji čine kanalizacioni sistem urbanog područja Velike Kladuše budu održavani u ispravnom i funkcionalnom stanju u skladu sa njihovom namjenom, Odlukom o odvodnji i prečišćavanju otpadnih voda i ovim Rješenjem.
 - 3.2. Da se permanentno radi na razdvajanju postojećeg mješovitog sistema odvodnje otpadnih voda te da se prilikom izgradnje nove kanalizacione mreže projektuje i izvodi isključivo separatan sistem odvodnje.
 - 3.3. Da se redovno vrši snimanje i kontrola stanja postojeće kanalizacione mreže. Ukoliko postoje ili se snimanjem na terenu uoče nekontrolisani pojedinačni ispusti fekalnih otpadnih voda u prirodne vodotoke, treba što hitnije poduzeti aktivnost da se isti priključe na postojeće glavne kolektore.

- 3.4. Da se vodi evidencija svih septičkih jama kao i drugih individualnih postrojenja za prečišćavanje otpadnih voda u području svoje nadležnosti, te da se vode stalne aktivnosti na eliminaciji septičkih jama i upojnih bunara, odnosno da se, gdje god je to moguće, vrši priključenje objekata na kanalizacionu mrežu.
- 3.5. Da se redovno vrši kontrola stanja i održavanje korita vodotoka Grabarska i Kladušnica na mjestima privremenih ispusta otpadnih voda iz glavnih kolektora. Ispusna mjesta treba održavati u funkcionalnom stanju kako bi se omogućilo nesmetano ispuštanje otpadnih voda u recipijent, a bez stvaranja uspora u kolektorima.
- 3.6. Da se, prilikom izdavanja odobrenja za priključak na gradsku kanalizacionu mrežu od korisnika zahtijeva da kvalitet otpadnih voda koje se ispuštaju u javnu kanalizacionu mrežu bude u skladu sa Uredbom o uslovima ispuštanja otpadnih voda u prirodne recipijente i sisteme javne kanalizacije. Odobrenje operatera za priključak na kanalizacioni sistem treba da sadrži sve podatke i uslove propisane članom 28. Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19 i 41/20).
- 3.7. Da se tokom važenja ovog Rješenja vrši monitoring otpadnih voda na ispuštima glavnih gradskih kolektore definisanih tačkom 1. dispozitiva ovog rješenja. Monitoring vršiti u skladu sa članom 25. stav (2) Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostavi Agenciji u skladu sa članom 23. iste Uredbe. Do izgradnje odgovarajućeg postrojenja za tretman otpadnih voda ne zahtijevaju se propisani efekti redukcije, odnosno dostizanje graničnih vrijednosti emisije.
- 3.8. Da se za vrijeme važenja ovog rješenja nastavi sa izradom katastra postojećih instalacija kanalizacione mreže i objekata s definisanim pravcima odvodnje, tipom kanalizacionog sistema, cijevnog materijala, profilima i padom cjevovoda, revizionim oknima i ispuštima u recipijent.
4. U slučaju vanrednih situacija, havarijskih onečišćenja i drugih sličnih okolnosti koje bi ugrozile kvalitet voda, obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
5. Ispuštanje otpadnih voda u površinske vodotoke ne smije ugrožavati postojeći hemijski i ekološki status recipijenata.
6. Vlasnik, odnosno korisnik objekata je obavezan voditi propisane evidencije te nadležnim organima dostavljati propisane obrasce (Obrazac EBS) u skladu sa članom 170. Zakona o vodama i i članovima 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) uz redovno dostavljanje obrasca IV – Mjesečni izvještaj o količini isporučene vode i obračunu EBS te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
7. Prava stečena po ovoj dozvoli ne mogu se prenositi na treća lica a ista prestaju u skladu sa odredbama Zakona o vodama.
8. Ispuštanje otpadnih voda u Grabarsku rijeku i Kladušnicu ne smije ugrožavati postojeći hemijski i ekološki status recipijenta.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
10. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
11. U periodu važenja ove dozvole korisnik iste je dužan provoditi sve mjere i aktivnosti propisane ovom dozvolom.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

JKP „Vodovod i kanalizacija“ d.o.o. Velika Kladuša, obratilo se ovoj Agenciji dana 17.02.2022. godine, zahtjevom, broj: 84-02/22, za izdavanje vodne dozvole za privremeno ispuštanje urbanih otpadnih voda iz urbanog područja Velike Kladuša, u vodotoke Grabarska i Kladušnica.

U provedenom postupku dostavljena je i pregledana sljedeća dokumentacija:

- ovjerena kopija Rješenja o izmjeni podataka, izdano dana 06.12.2021. godine od strane Općinskog suda u Bihaću,
- ovjerena kopija Uvjerenja o poreznoj registraciji izdano dana 18.07.2005. godine od strane Federalnog ministarstva finansija – financija, Porezne uprave - Kantonalnog ureda UNSKO-SANSKOG,
- uplatnica upravne pristojbe,
- situacioni prikaz instalacija, zone D i E, situacioni prikaz instalacija bez oznake i mjerila te situacioni prikaz instalacija na katastarskoj podlozi, bez oznake i mjerila,
- opći akt o održavanju, korištenju i osmatranju vodnog objekta i postupanju u slučaju kvara ili havarije; urađen dana 17.02.2022. godine pod brojem 85-02/22,
- kopija Izvještaja o rezultatima ispitivanja tereta zagađenja otpadnih voda izraženog preko ekvivalentnog broja stanovnika EBS-a; urađen od strane Poduzeća za kontrolu i inženjering ZAGREBINSPEKT d.o.o. Mostar pod brojem 01-2-86-V/21, dana 19.05.2021. godine,
- kopija Izvještaja o rezultatima fizikalno-kemijskih i mikrobioloških ispitivanja rijeke Kladušnice shodno vodnoj dozvoli UP-I/25-3-40-594-6/16 od 09.02.2017. godine; urađen od strane Poduzeća za kontrolu i inženjering ZAGREBINSPEKT d.o.o. Mostar pod brojem 01-2-108-X/21, dana 21.10.2021. godine,
- kopija rješenja o vodnoj dozvoli za privremeno ispuštanje komunalnih otpadnih voda iz urbanog područja grada Velika Kladuša u otvorene vodotoke Grabarsku i Kladušnicu; izdano od strane Agencije za vodno područje rijeke Save pod brojem UP-I/25-3-40-594-6/16, dana 09.01.2017. godine,
- Zaključak o visini i roku za plaćanje posebnih troškova; izdan od strane ove Agencije pod brojem: UP-I/25-3-40-086-3/21, dana 09.03.2022. godine te kopija naloga za plaćanje istih,

Nakon pregleda dostavljene dokumentacije, u skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata izvršen je obilazak ispusta iz glavnih kolektora u recipijent i tom prilikom sačinjen je zapisnik o uviđaju broj: UP-I/25-3-40-086-3/22 od 05.04.2022. godine, pri čemu je utvrđeno:

Postojeći kanalizacioni sistem grada Velika Kladuša čini skup međusobno nepovezanih vodova dominantno mješovite kanalizacije sa jedanaest pojedinačnih ispusta u recipijent, vodotoke Grabarsku i Kladušnicu, bez prethodnog tretmana. Prostor odvodnje otpadnih voda je podijeljen na slivove navedenih vodotoka, pri čemu je omogućena gravitaciona odvodnja svih korisnika sistema. Značajan dio objekata svoje otpadne vode direktno disponira u vodotok, septički jamu ili neku prirodnu depresiju, jarak ili slično.

Postoji djelimično urađen katastar podzemnih instalacija te se ne može sa sigurnošću utvrditi položaj, profil, cijevni materijal, godina izgradnje i slično.

Investitor je izvršio ispitivanje tereta zagađenja otpadnih voda izraženog preko ekvivalentnog broja stanovnika EBS-a, koji iznosi 6118 ES-a te ispitivanje fizičko-hemijskih i mikrobioloških osobina vode u recipijentu sa uzorkom uzetim uzvodno od prvog ispusta kanalizacionog kolektora te nizvodno od ispusta u rijeku Kladušnicu.

Urađena je projektna dokumentacija za kolektore, sekundarnu razvodnu mrežu te idejni projekt prečištača otpadnih voda. Realiziran je dio glavnih kolektora budućeg kanalizacionog sistema.

Na osnovu provedenog postupka, a u cilju smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su u dispozitivu ovog Rješenja, propisani uslovi u skladu sa odredbama Zakona o vodama, Pravilnika o sadržaju, obliku i uvjetima i načinu izdavanja i čuvanja vodnih akata i Uredbe o uslovima ispuštanja otpadnih voda u prirodne recipijente i sisteme javne kanalizacije koji se trebaju ispoštovati u toku važenja istog.

Tačka 6. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opće i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Konstatuje se da je podnosilac zahtjeva, JKP „Vodovod i kanalizacija“ d.o.o. Velika Kladuša, ispunio minimum uslova za izdavanje vodne dozvole za privremeno ispuštanje otpadnih voda iz urbanog

područja općine Velika Kladuša u rijeke Grabarsku i Kladušnicu, te je riješeno kao u dispozitivu ovog Rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta: Ahmet Smajlović, dipl.inž.arh.

Po ovlaštenju
Rukovodilac Sektora za izdavanje vodnih akata


Haris Ališehović, dipl. inž.građ.

Dostaviti:

- JKP "VODOVOD I KANALIZACIJA" d.o.o. Velika Kladuša,
Kulište br. 2, 77 230 Velika Kladuša
- AVP, ISV – Vodna knjiga
- Sektor 50,
- Sektor 40, arhiva
- oglasna ploča – AVP Sava